

Instrumento pa haya mas informacion di secreto

ACTA Caya Grandi no ta inscribi na Hypotheekkantoor

*Tin relacion entre proyecto y comprador edificio Venezolano?

*Lista di accionistanan ta bira e documento mas importante

ORANJESTAD(AAN)—Mientras Gobierno ta sigui menaza cu investigacion contra esnan cu protesta y no ta duna informacion na Pueblo, DIARIO ta continua cu su investigacionnan y publico ta keda pendiente. Te ainda no tin un acta oficial di traspaso di Caya Betico Croes, segun informantenan. Mientras Raoul den su presentacion hasta por a bisa cu riba waf lo bini apartamento awor y no Namdar, informantenan ta sumamente interesa pa sa kende ta den e Grupo di Raoul. Mas ainda a base di e carta cu a bay pa comerciantenan di Caya Betico Croes di parti di un Venezolano dispuesto na cumpra nan propiedad pa cualquier prijs.

Na Hypotheekkantoor, caminda tur acta tocante tereno ta worde deponi y ta publico, DIARIO por a comprende cu ainda e acta di traspaso di Caya Betico Croes pa e grupo Raoul no a worde efectua. Informantenan a muestra cu talvez na Cadaster ainda nan ta ocupa y ta traha riba e traspaso.

En todo caso, henter e asunto cu a pone Gobierno desaparece for di mapa di

publicidad y solamente amenaza contra protesta a bini di Ministro Presidente Oduber, envolvi for di November den e proyecto, mester conoce apertura di factornan mas importante.

Kende ta e grupo Raoul? Kende ta e accionistanan real y con e herencia di e terenonan y derechonan ta regla? No ta conoci cual Notario na Aruba ta encarga cu e acta aki. Hecho ta cu legalmente ora ta bay inscribi un compania na Camara di Comercio, por tin diferente acuerdo cu no ta refleha den e inscripcion. Por ehempel, tras di un nomber por tin un acuerdo cu no ta mira luz di henter un grupo, cu ta keda scondi pa publico.

Mientras, pa un motibo of

otro, un caso tan importante, ta keda un secreto pa Pueblo, DIARIO a worde acerca pa informante cu a bisa cu mester busca mas informacion entorno e supuesto comerciante cu a uza un hurdo di apartamento na Aruba, pa trata di cumpra edificionan den Caya Betico Croes.

Mientras e asunto aki tambe a keda algo sospechoso, pasobra henter e carta no ta bini di un entidad cu kier revela su mes, atrobe secrecia ta crea posibilidad pa rumor cu ta bisa cu ta posibel cu ta e grupo mes a cuminza cumpra edificionan den e caya of por ta trata di cualquier grupo cu Aruba lo no kier, cu despues ta resulta di a cumpra propiedad priva

riba Aruba.

Mester bisa cu e aña aki ta diferente asunto sumamente straño a presenta. E caso Namdar, e asunto di Caya Betico Croes, halnan di bingo na gruponan cu tin otro interesnan na Aruba y benta di Bestuurschoollege pa traha hotel.

E caso di Raoul ta mas straño pasobra e negoshi cu e tin den Caya Betico Croes, mientras e no tabata ni miembro di Mambo, e organizacion di comerciantenan di Caya Grandi, no ta califike pa e negoshi cu Gobierno a dune como "Gobernador" di Caya Betico Croes.

CORONA UPHOLSTERY


Bo cas di furamento PROFESIONAL!!!

PARADERA SHIRIBANA 4 - TEL: 583-2148 / 566-4358 / 732-0212 FAX: 588-0941

Ta fura tur set di Sala, Cusinshi, Recliner

Nos tin hopi experiencia den verf tur Meuble.

Nos trabao ta garantisa 100 x 100



BROEDENDE BRIEVEN!!



BEST DEAL

Tel: 5827100

(Pariba di Aruba Bank, Paradera)

CD Holder



Hopi model nobo.